

ZAPISNIK

sa I sjednice Privrednog savjeta općine Bosanska Krupa

Sjednica održana dana 12.12.2018.godine u u Bosanskoj Krupi sa početkom u 10,00 sati

Prisutni:

Privrednici: Sead Mujagić (IBRAHIMOVIĆ D.o.o), Miodrag Adamović (ADACO d.o.o.), Azra Huzejrović (ZAH D.o.o.), Anel Bešić (ACMA - GROUP D.o.o.), Zeid Mujić (SMRČA D.o.o.), Dženan Džafić (KRUPA KABINE, D.o.o.), Tahir Nuhić (ATNH D.o.o.),

Civilni sektor: Tarik Halkić

JKP "10 juli"-Nijaz Tatarević,

MSSŠ : Todorovac Hikmet, profesor

Općina: Halitović Armin, načelnik, Hergić Esmā i Veladžić Azra

Odsutni članovi: Mensud Šahinović, Samir Mesić, Dino Zjakić

Ostali prisutni: Sadika Halitović, Služba za financije, predstavnici Službe za upravljanje razvojem Aida Šertović i Selma Šehić

Dnevni red:

1. Uvodna riječ,
2. Izbor predsjedavajućeg Privrednog savjeta
3. Usvajanje Pravilnika o radu Privrednog savjeta općine Bosanska Krupa
4. Nacrt Budžeta općine Bosanska Krupa za 2019
5. Program kapitalnih investicija općine Bosanska Krupa za period 2019-2023
6. Informacija o inicijativi UNDP za međuopćinsku saradnju u oblasti unapređenja poslovnog ambijenta
7. Diskusija i zaključci

Ad₁ – Sastanak otvorio Sead Mujagić, predložio dnevni red i isti je jednoglasno usvojen.

Ad₂ – Esmā Hergić predložila da predsjedavajući bude iz metalnog sektora, gosp. Sead Mujagić, a da zamjenik predsjedavajućeg bude gosp. Armin Halitović, općinski načelnik.

Privrednici su podržali prijedlog za predsjedavajućeg ali su zauzeli stav da zamjenik predsjedavajućeg PS treba biti također privrednik, iz reda neke druge privredne grane npr. drvne.

Nakon kraće diskusije za predsjedavajućeg PS izabran je jednoglasno Sead Mujagić, a za zamjenika predsjedavajućeg izabran je jednoglasno Zeid Mujić.

Ad₃ – Pravilnik o radu PS dostavljen je u materijalima, predsjedavajući je nakon kratkog obrazloženja dao na glasanje, te je Pravilnik o radu PS usvojen jednoglasno u ponuđenom tekstu.

Ad₄ – Gđa Sadika Halitović, šef Službe za financije, prezentirala je Nacrt Budžeta za 2019. godinu, upoznala sa prelaskom na trezorsko poslovanje.

Tokom diskusije se raspravljalo o planiranim sredstvima za finansiranje rada novoformirane Turističke zajednice općine Bosanska Krupa, koja već drugu godinu ne funkcioniše zbog Zakonom o turizmu USK-a propisanih uslova za imenovanje direktora turističke zajednice općine/grada.

Općinski načelnik je upoznao prisutne da se u više navrata raspravljalo na ovu temu na sastancima višeg nivoa vlasti.

Zaključak: Ispred Privrednog savjeta uputiti inicijativu putem Kabineta općinskog načelnika Ministarstvu privrede da se krene u izmjenu Zakona o turizmu u dijelu koji se tiče imenovanja direktora prilagođeno stvarnoj situaciji i realnim uslovima.

Diskutiralo se o nedostatku kvalifikovane radne snage, zapošljavanju osjetljivih grupa prvenstveno žena, dovođenju novih investitora o čemu će Privredni savjet raspravljati na nekom od narednih sastanaka, da se ne radi nedjeljom itd.

Zaključak: Ispred Privrednog savjeta uputiti cirkularno pismo obrazovnim ustanovama osnovnog obrazovanja da zavrni razredi obavezno obiđu privredne subjekte naše općine.

Zaključak: Prijedlog da se u Budžet Općine Bosanska Krupa 2019 uvrsti minimalno 30.000 KM za podršku zapošljavanju ciljnih grupa (žena, mladih, invalida i drugih ranjivih kategorija).

Ad₅ – Gđa Esma Hergić prezentirala dosadašnje aktivnosti i radnje u cilju izrade Programa kapitalnih investicija. Općinski načelnik je imenovao tim za izradu Programa kapitalnih investicija, donio je Odluku o kriterijima rangiranja investicionih projekata, Tim je usvojio Pravilnik o radu, objavljen je javni poziv na koji je pristiglo 15 prijava sa 45 projektnih prijedloga. Tim je izvršio bodovanje u skladu sa Odlukom i sačinio rang listu sa 45 projektnih prijedloga, te u suradnji sa općinskim službama pripremljena je prijedlog dokumenta. PKI je dokument koji mora biti usklađen sa strateškim i drugim dokumentima Općine Bosanska Krupa, mora biti urađen paralelno sa budžetom općine. Do kraja mjeseca decembra PKI bi trebao biti uvršten u dnevni red sjednice Općinskog vijeća, te će nakon usvajanja biti dostavljen članovima PS-a.

Ad₆ – Gđa Esma Hergić je upoznala Savjet sa inicijativom UNDP-a da se 18.12.2018. godine održi međuopćinski sastanak (Bihać, Sanski Most i Bosanska Krupa) u Općini Bosanska Krupa u cilju pokretanja inicijative za poboljšanje rada privrednog savjeta.

Predloženo je da predstavnici Privrednog savjeta Hikmet Todorovac, Miodrag Adamović i Azra Huzejrović prisustvuju tom sastanku i prijedlog je jednoglasno usvojen.

Ad₇ – Gosp. Esma Hergić napomenula je da će se i ove godine organizirati druženje privrednika krajem decembra, o tačnom terminu će biti naknadno obaviješteni.

Zaključci:

Z1: Ispred Privrednog savjeta uputiti inicijativu putem Kabineta općinskog načelnika Ministarstvu privrede da se krene u izmjenu Zakona o turizmu u dijelu koji se tiče imenovanja direktora prilagođeno stvarnoj situaciji i realnim uslovima.

Z2: Ispred Privrednog savjeta uputiti cirkularno pismo obrazovnim ustanovama osnovnog obrazovanja da završni razredi obavezno obiđu privredne subjekte naše općine.

Z3: Prijedlog da se u Budžet Općine Bosanska Krupa 2019 uvrsti minimalno 30.000 KM za podršku zapošljavanju ciljnih grupa (žena, mladih, invalida i drugih ranjivih kategorija).

Sastanak završen u 12,00 sati

Zapisnik vodile:

Aida Šertović

Esma Hergić

